

2111

## C O D I C E S

2112

tulare et *Orationale per annum pro Chori officio, Preces ad singulas Horas, Litaniae OO. SS. prolixus Ordo ad uisitandum sive ungendum infirmum oleo sancto*, cum Precibus in exitu Animae. Hic porro hiat *Codex*, atque ex abrupto *Lectiones quaedam et Evangelia notulis musicis instructa succedunt*, et deinceps *Commemorations variorum Sanctorum*, praecipue *Hungariae Indigetum*, quas etiam habes in *Breviario Strigoniensi mandato Mathiae Regis a Michaeli Ep. Milkoviensi in Ecclesia Strigoniensi in Pontificalibus Vicario ad imprimendum tradito circumspetto Theobaldo feger de kirchem librario a. 1484. f. absque loci mentione*, ut in Monito praevio dicitur. *Theobaldum hunc alias Bibliopolam tantum Budensem novimus*, unde hanc Editionem alicubi in *Germania*, et fortasse *Norimbergae curaverit*. Etiam huic Editioni *Obitus quidam praemissi sunt*, et quidem nomen supra adducti *Nicolai de Themenwar* folis literis *DD.* exprimitur; mors vero *Johannis Archiep.* non ad 8. sed ad 9. diem *Augusti* ponitur. Exemplum hujus *Breviarii Bibliotheca Palat.* conditum servat.

## DCCCLXXI.

R. 29 Codex membraneus lat. Sec. XIV. Folior. nunc 380. f. per duas columnas luculente exaratus, rubricisque distinctus, sed injuria temporum inclementer habitus sacram Chori Officium sive *Brevia-*

*rium exhibit*, quod rursus ad Ecclesiam Metrop. *Strigonensem* refero cum ob Divos *Hungariae indigetes* in praevio *Calendario miniatos*, tum ob duplarem notam eidem manu Sec. XV. adjectam. Legitur nempe ad diem 1. Febr. *Obitus Revni in christo patris et domini, domini dyonisij de zecz Cardinal. legati et Archiep. Strig. Anno domini M° CCCC° LX° quinto.* et ad diem 20. *Hic obiit dominus demetrius Cardinalis Strigoniensis. Anno do M. CCC° LXXX° VII°.* Id, quod dirimit dubia a Nic. Schmitth in *Archiepp. Strig. P. I. p. 210.* relata, confirmatque adsertum amicissimi *Prayi Hierarch. Hung. P. I. p. 171.* Sedem *Strigoni. a. 1387.* vacasse *Dominica Ramis palmarum.* Ad diem 8. Aug. etiam in hoc exemplo notatur *Adventus sanguinis christi*, non tamen minio. Ceterum nihil habet singulare, nisi quod praemissa fit Institutio chronologica de ordinando tempore ecclesiastico, quod in pluribus ejusmodi *Codicibus liturgicis* observatum videmus.

## DCCCLXXII.

Codex membraneus lat. Sec. R. 334<sup>2</sup> XIV. Folior. 351.8. min. per duas columnas crassiuscule, et densius exaratus, coloribus illustratus usque satis tritus *Breviarium* est ad ritum ordinis *S. Benedicti*, quod nihil peculiare praefert, nisi quod inspectis Fests, et Sanctorum, qui fol. 67. p. 2. in *Litaniis* invocantur, nominibus, *Adalberti, Stanislai, Viti, Wenceslai, Sigismundi,*